



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. An qui denegavit Eleemosynam pauperi extremè indigenti, cui
tenebatur succurrere, obligetur postea transacta necessitate aliquid
restituere?

urn:nbn:de:hbz:466:1-41144

se nobilem, Virginem, divitem, quæ re vera non est, siveque sponsum inducit ad secum contrahendum, qui non contraheret, si sciret eam non esse divitem aut Virginem, sed pauperem, aut corruptam. Unde ad argumenta allata in contrarium responderi potest, ad 1. eos contractus ipso jure (Civili) nullius momenti esse, non secundum substantiam, sed secundum effectum, quia Judicis auctoritate rescindi possunt, ac debent, adeoque de se firmi non sint. Et in l. quidem & eleganter citt. venditio annullatur, eo quod fuerit facta à minore sine Judicis auctoritate, quæ ipso jura nulla est.

Ad 2. R. Deceptorem jus, & actionem consequi non ex injuria, sed ex mutuo, eoque absoluto, & substanciali consensu, ex injuria autem potius obligationem contrahere, ut contractum rescindi patiatur per oppositam exceptiōnem, aut actionem de dolo à deceptor institutam: immo et si deceptus nec excipiat, nec agat contra deceptorem; in conscientia tamen obligatus est deceptor ad resarcendum integrum damnum, quod ob eam causam deceptus incurrit, cum tale damnum alteri suâ culpâ dederit.

Ad 3. R. Argumentum hoc solvi debere in contractu per metum extorto, qui ipso jure validus est, ut tenet communis, quamvis me-

tum passus illius rescissionem petere possit, non item metum inferens. Cæterum quando alter contrahentium sua culpa est per accidens causa, quod ex parte alterius nulla oriatur obligatio, nullum omnino est absurdum, quod ex contractu, ex quo alioquin utrinque obligatio oriretur, nascatur ex altera duntaxat parte, ut pluribus probat Molina/ citt. D. 352.

Ad 3. Q. An is, qui indigenti, 37 cui succurrere tenebatur, eleemosynam denegavit, transacta necessitate ad aliquid postea restituentum obligetur, responsio ex eo pendet, an pauper in extrema necessitate constitutus jus habeat ex Justitia ad illa bona, quæ accipit, ita ut Dominus non solum ex misericordia, sed etiam ex Justitia teneatur illa dare. Ubi Prima sententia jus & obligationem ex Justitia negat. Ita Vasquez In opuscul. de eleemos. cap. 3. dub. 3. n. 37. Sotus de Just. q. 3. a. 4. Medina dedit. q. 3. Navar. cap. 24. n. 7. Less. cap. 12. dub. 12. n. 25. Thom. Sanch. l. 1. Conf. cap. 5. dub. 5. n. 61. Reginald. Turrian. Fill. aliquique cum, & apud Coninck de carit. L. 27. dub. 7. Rationem dant. I. Quia, si præceptum misericordiæ, & charitatis ad subveniendum proximo aliquando graviter obligat, tunc vel maximè stringit in extrema necessitate: ergo in casu extremae necessitatis non datur obli-

obligatio Justitiae; nam id, quod debetur ex Justitia, non est Eleemosyna, sed solutio debiti. 2. Quia actus Eleemosynæ fundatur in indigentia proximi: ergo ubi major est indigentia, ibi est major ratio Eleemosynæ: in indigentia autem major est in necessitate extrema: ergo. 3. Quia si dives teneretur indigenti succurrere ex Justitia in posito casu, tunc si non succurreret, teneretur postea ad restitutionem damni: hoc autem dici non potest, ut arguit Vasq. l. c. alias etiam ille, qui in extrema necessitate tenetur vitam proximi defendere, ne occidatur ab inimicis, teneretur ad restitutionem damni, si eum, cum posset, non detenderet, quod tamen ab omnibus negatur. Plures tationes pro hac sententia affert Coninck. l. c.

Altera sententia opposita obligationem Justitiae in casu posito adstruit, ac tuetur cum Cajetano q. 118. a. 3. & 4. Petr. Navarr. l. 3. c. 1. n. 343. Aragon. 2. 2. q. 32. a. 6. Spino, Sarmiento apud Vasq. n. 37. aliisque. Ratio est 1. quia impediens pauperem, ne in extrema necessitate capiat bona, quibus indiget, peccat mortaliter contra Justitiam: ergo etiam qui non facit Eleemosynam in talis necessitate, peccat contra Justitiam, & per consequens, transacta necessitate tenetur ad restitutionem. Quod ex eo

Confirmatur; quia si indigens non haberet jus Justitiae ad rem illam,

non posset eam, invito domino¹, accipere, etiamsi dives ex alia virtute teneretur ad dandum, sicut si aliquis ex voto promisisset, vel ex poenitentia à Confessario injunctione deberet Eleemosynam, non ideo possent pauperes ejus pecunias occulte accipere.

2. Prob. ex eo, quod in extrema necessitate omnia bona sint communia: qui autem impediret, ne bona communia capiantur, peccat contra Justitiam, ut contingit, quando quis alterum impedit voluntem piscari, aut venari in locis communibus.

3. Prob. Dives cogi potest per Judicem ad dandam Eleemosynam indigenti: ergo signum est, divitem teneri ex justitia ad Eleemosynam pauperibus tradendam. 38

Ex duabus hisce sententiis probabilibus prior, utpote communior, ac probabilius, preferenda est; præplacet tamen hæc distinctio Lug. D. 16. S. 7. aliquid tribuentis utriusque partis fundamentis, dum ait, extremam necessitatem dare quidem jus indigenti, ut possit rem alienam accipere, & acceptatione ipsa acquirat jus in re ipsa, vel ejus usu, prout necessitas exigit, ipsum tamen Dominum non habere obligationem ex Justitia, sed ex misericordia illam dandi; postquam vero indigens utitur jure suo, & eam accipit, Dominum obligari ex Justitia ad non impediendum per vim illius ultum, nec ad ipsam rem auferendam; atque adeo necessi-

cessitas & indigentia non facit indigentem Dominum formaliter, sed remotè, quatenus facit rem communem ita, ut sicut res, quæ non sunt in ullius dominio, possit aliquis sibi accipere justè, & validè; sic indigens possit rem alienam sibi accipere justè & validè perinde, ac si in nullius bonis esset. Ceterum antequam ab eo accipiatur, Dominus non perdit ejus dominium, sed solum habet obligacionem ex charitate, & misericordia eam dandi, non verò ex Justitia; quia sicut circa rem communem, ante ejus occupationem, non habet Petrus jus Justitiae, ratione cuius alii obligentur ad eam Petro offerendam, ita nec pauper jus Justitiae ad id habet ratione necessitatis, sed habet duntaxat titulum, ut rem occupare possit, sibique propriam facere: unde postquam pauper rem occupavit, vel utitur jure suo ad eam occupandam, nemo sine iniuria potest eum impedire, quia sicut jus habet ad rem occupandam, ac si esset in nullius bonis, sic jus habet, ne impediatur ab ejus occupatione, quod jus aliás laderetur.

Ex his facile respondeatur ad utriusque partis fundamenta.

Ad 1. ergo prioris sententiæ fundatum R. non obligari divitem ex Justitia ad subveniendum, sed ex misericordia, quia licet ex Justitia teneatur ad eum per vim non impediendum ab occupatione rei, non tenetur ex Justitia ad eam

R. P. Leonardelli Soc. Jes.

offerendam, sed ex misericordia; quia licet indigens habet jus ad eam accipiendam, non tamen est sua, donec acceperit.

Ad 2. & 3. R. divitem, non dando, non peccare contra Justitiam sed misericordiam, quia ad dandum non tenetur ex Justitia, ut dictum est, sed ex misericordia; atque adeò nec teneri ad restitutio- nem, si non det.

Ad posterioris sententiæ ratio- nes, ad 1. & ad Conf. responsio patet ex dictis; n. enim c. quia licet pauper in eo casu jus habeat ad accipiendam, & occupandam rem, dives tamen non tenetur ex Justitia ad eam dandam, sed ex miseri- cordia duntaxat.

Ad 2. R. argumentum hoc non urgere Lug. sed potius ejus senten- tiam confirmare; non tamen se- quitur, divitem teneri rem pauperi tradere ex Justitia; nam licet indi- gens jus habeat ad rem occupan- dam, res tamen non fit indigentis, donec eam occupet, sed dominium manet penes possessorem, cum hac tamen obligatione, ut si indi- gens eam occupet, non impedit per vim, nec eam auferat, quia indigens utitur jure suo, quod in ne- cessitate habet ad eam occupan- dam. Patroni verò primæ sen- tentiæ respondent, peccare qui- dem eum contra Justitiam, qui im- pedit, ne capiantur bona, quæ nul-

F

lum

Ium peculiarem habent Dominum,
ut contingit in locis communibus;
in posito autem casu bona non ita
esse communia, quin extet aliquis
peculiare jus habens, qui non tene-
tur illa tradere ex Justitia.

Ad 3. R. n. c. nam, ut notat
Vasq. dives cogi potest per Judi-
cem ad dandam Eleemosynam, non
quia tenetur ex Justitia, sed quia

sic postulat charitas, & commune
bonum.

Ex dictis sequitur, eum, qui
denegavit Eleemosynam pauperi,
non teneri, transacta necessitate,
aliquid restituere, eò quòd negan-
do Eleemosynam non peccaverit
contra Justitiam, sed contra
charitatem, & miseri-
cordiam.



CA-

